

## CONVENIO ENTRE A AXENCIA GALEGA DE INNOVACIÓN E A FUNDACIÓN EMPRESA-UNIVERSIDADE GALEGA (FEUGA) PARA O IMPULSO DA TRANSFERENCIA DE TECNOLOXÍA NO SISTEMA DE I+D+i DE GALICIA

Santiago de Compostela, a 13 de febreiro de 2025

### REUNIDOS:

Dunha parte, D. Román Rodríguez González, conselleiro de Educación, Ciencia, Universidades e Formación Profesional, nomeado para este cargo polo Decreto 44/2024, do 14 de abril de 2024 (DOG núm. 73, do 14.04.2024), actuando no exercicio das competencias que ten atribuídas polo artigo 34 da Lei 1/1983, do 22 de febreiro, de normas reguladoras da Xunta e da súa presidencia, modificada polas leis 11/1988 de 20 de outubro; 7/2002, do 27 de decembro; 2/2007, do 28 de marzo e 12/2007 do 27 de xullo, e polo Decreto 73/2022, do 25 de maio, polo que se establece a estrutura orgánica das vicepresidencias e das consellerías da Xunta de Galicia (DOG núm. 101, do 27 de maio de 2022), e presidente da Axencia Galega de Innovación, en virtude do disposto no artigo 12 do Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos.

Doutra parte, Don Francisco J. Pereiro Pérez, maior de idade, provisto do NIF 36.112.040Q, en nome e representación e na súa calidade de director xeral da Fundación Empresa-Universidade Galega (en diante FEUGA), con CIF G15051667 e domicilio na rúa Lope Gómez de Marzoa, s/n, 15705, Santiago de Compostela, con poder suficiente segundo resulta de escritura pública número 963 outorgada o 19 de outubro de 2009 ante a Notaria do Ilustre Colexio de Galicia, con residencia en Ferrol, dona Susana Ortega Fernández.

Ambas as dúas partes recoñécense capacidade legal e xurídica suficiente para formalizar o presente convenio e, a tal efecto,

## EXPOÑEN:

I. Que a Axencia Galega de Innovación é unha axencia pública autonómica creada polo Decreto 50/2012, do 12 de xaneiro, ao amparo da autorización prevista na disposición adicional segunda da Lei 16/2010, do 17 de setembro, de organización e funcionamento da administración xeral e do sector público autonómico de Galicia.

De acordo cos seus estatutos, a Axencia Galega de Innovación ten como finalidade fomentar e vertebrar as políticas de innovación nas administracións públicas galegas, así como apoiar e impulsar o crecemento e a competitividade das empresas galegas, a través da implementación de estratexias de innovación eficientes.

Para a consecución dos seus obxectivos e, de acordo co artigo 10 dos seus estatutos, a Axencia Galega de Innovación poderá colaborar con outras administracións públicas no ámbito da súas respectivas competencias e funcións e con entes do sector privado, a través dos correspondentes convenios.

II. A creación de FEUGA respondeu a unha iniciativa dos máis sobresaíntes axentes públicos e privados da comunidade. Institúese como fundación de interese universitario no ano 1982, ao amparo do Decreto 293/72, de 21 de xullo e é recoñecida como fundación de interese cultural pola Orde do 1 de agosto de 1984 (DOG núm. 206, do 26 de outubro), estando inscrita no Rexistro de Fundacións da Xunta de Galicia co núm. 155.

FEUGA é unha entidade sen ánimo de lucro e de dereito privado, especializada na transferencia de coñecemento, a innovación e a tecnoloxía desde o Sistema Universitario de Galicia (SUG) ao mundo empresarial e á sociedade en xeral.

A súa misión é achegar o talento e o saber científico e técnico xerado polos grupos de investigación universitarios ao mercado, para favorecer o emprendemento, a xeración de emprego, a competitividade do tecido produtivo e o dinamismo do sistema rexional de I+D+i.

O Padroado é o órgano de goberno, representación e administración de FEUGA. Os seus membros fundadores son as tres universidades galegas e as máis prestixiosas institucións públicas e empresas privadas de Galicia.

III. A Lei 5/2013, do 30 de maio, de fomento da investigación e da innovación de Galicia recolle no seu artigo 2, entre os seus fins fundamentais, apoiar a formación do persoal científico, investigador e xestor da innovación e transferencia en Galicia e contribuír á creación dun ambiente adecuado para o desenvolvemento das súas carreiras profesionais.

IV. Con data 8 de abril de 2022 o Consello da Xunta de Galicia adopta o acordo mediante o cal se aproba a Estratexia de Especialización Intelixente (RIS3) de Galicia 2021-2027, que define o marco para as políticas de investigación e innovación da Comunidade Autónoma neste período, así como o Plan Galego de Investigación e Innovación 2022-2024, que concreta desde un punto de vista operativo este marco estratéxico.

A RIS3, no período 2021-2027, aborda a través da I+D+i tres grandes retos da economía e sociedade galega. Para darlles resposta, por unha banda, a estratexia orienta as capacidades e esforzos de investigación e innovación en Galicia cara a 3 prioridades temáticas transversais, e pola outra reforza e impulsa o ecosistema galego de innovación a través de 5 obxectivos estratéxicos, arredor dos que articula os instrumentos e actuacións a desenvolver integrados nos correspondentes programas.

As accións contempladas no presente convenio enmárcanse na RIS3 de Galicia 2021-2027 e alíanse cos seus tres retos e tres prioridades. Teñen como obxectivos estratéxicos completar e consolidar as cadeas de valor (obxectivo estratéxico 3), apoiar o desenvolvemento das capacidades das persoas (obxectivo estratéxico 4) e impulsar o posicionamento de Galicia en I+D+i a nivel nacional, europeo e internacional (obxectivo estratéxico 5), integrándose nos programas Completa e Transfire, Persoas e Talento e Posiciona, respectivamente.

V. Ademais, FEUGA conta con máis de 40 anos de historia nos que logrou consolidarse como unha organización de referencia no ámbito do talento, a formación, a innovación e o emprendemento, actuando como catalizador para estreitar vínculos e promover a transferencia de coñecemento e a innovación entre as Universidades, a Industria e a Sociedade en xeral.

FEUGA impulsa a transferencia de novos desenvolvementos tecnolóxicos á industria e da soporte ao ecosistema de emprendemento a través de servizos de diagnóstico de innovación industrial e startups, propiedade intelectual e análise de mercado, vixilancia tecnolóxica e intelixencia competitiva; a busca de oportunidades de financiamento público privado e a organización de eventos enfocados en redes e no emprendemento.

VI. A Axencia Galega de Innovación considera de interese público o aproveitamento dos coñecementos e experiencia de FEUGA, de xeito que a unión das sinerxías de ambas as dúas partes permita acadar os obxectivos relativos ao desenvolvemento de programas de formación do persoal investigador, científico e de xestión da innovación e transferencia que prevé o Plan galego de investigación e innovación 2022-2024.

VII. O programa Ignicia está orientado ao fomento e mellora da Transferencia de Coñecemento e comezou no ano 2016 coa convocatoria Ignicia Proba de Concepto da Axencia Galega de Innovación, unha iniciativa pioneira en España que promove o desenvolvemento de aplicacións comerciais das investigacións xeradas nos centros de coñecemento galego facilitando a validación da tecnoloxía e a elaboración de plans de negocio que dean lugar á creación de spin- off ou á firma de acordos de licenza. O programa ten promovido xa catro convocatorias nos anos 2016, 2018, 2021 e 2023.

VIII. O programa completouse en anos posteriores co desenvolvemento e implementación de itinerarios e programas de adestramento e capacitación dos profesionais de xestión de innovación e transferencia de tecnoloxía e de persoas investigadoras innovadoras das institucións do Sistema Galego de Ciencia; a actualización e seguimento dos indicadores de transferencia definidos para o

ecosistema galego; a elaboración, difusión e implementación de metodoloxías de apoio á valorización de tecnoloxías; a análise e definición de modelos innovadores de xestión da transferencia para Galicia; así como a mellora continua e posicionamento do programa IGNICIA nos eidos rexional, nacional e internacional.

## CLÁUSULAS:

### **PRIMEIRA.- Obxecto e obxectivos do convenio.**

O presente convenio ten por obxecto sentar as bases da colaboración entre as partes para a realización das accións incluídas nas seguintes actuacións:

#### *A. MONITORIZACIÓN DO SISTEMA DE TRANSFERENCIA.*

Precísase monitorizar os datos sobre transferencia para avaliar o desempeño do Sistema de I+D+i e dispoñer de información de soporte á toma de decisións sobre a estratexia a seguir e as medidas a adoptar.

Inclúense nesta actuación a seguinte acción:

##### A1. Actualización do panel de indicadores de transferencia.

Esta acción ten como obxectivo a actualización anual dos indicadores estatísticos recollidos no estudo: "A transferencia de resultados de investigación no Sistema Galego de I+D: informe 2011-2018".

#### *B. APOIO AOS PROCESOS DE VALORIZACIÓN: PROGRAMA IGNICIA PROBA DE CONCEPTO*

O proceso do laboratorio ao mercado precisa do desenvolvemento de actividades de valorización tecnolóxica (para elevar o TRL dos resultados) e de negocio (relacionadas coa planificación do modelo de explotación de resultados). Son actividades que requiren dun importante financiamento para cubrir tanto as probas técnicas, como o expertise en xestión de IP e o desenvolvemento de negocio que este proceso leva asociado.

O Programa IGNICIA Proba de Concepto, iniciativa pioneira a nivel estatal, pode considerarse a teor dos resultados obtidos, un caso de éxito ao que dar continuidade para seguir apoiando o roteiro da valorización e licenza a través de spin-off ou proxectos de desenvolvemento que fagan viable a explotación das patentes.

Neste actuación inclúense as seguintes accións:

B1. Apoio ao desenvolvemento da quinta convocatoria do Programa IGNICIA Proba de Concepto.

Esta acción consiste no desenvolvemento da quinta convocatoria do Programa IGNICIA Proba de Concepto, prevista para comezos de 2025, mediante a realización de actividades propias da xestión do programa IGNICIA, en particular, no relativo ás fases de avaliación e de maduración e investimento.

Os proxectos presentados ao programa IGNICIA serán avaliados de forma obxectiva e por persoal coa suficiente cualificación e formación ao respecto designado por FEUGA e a Axencia Galega de Innovación, prevíndose a posibilidade de participación de persoal experto propio ou contratado externamente.

A avaliación dos proxectos estrutúrase en dúas etapas sucesivas, tendo a primeira das mesmas carácter excluínte, de maneira tal que o paso á segunda etapa da avaliación, requirirá a superación satisfactoria da primeira.

Ao final de cada unha das etapas anteriormente indicadas, emitirase un informe respecto a cada proxecto presentado, no que se recollerá un resumo de todos os aspectos avaliados e as conclusións obtidas tras o proceso de avaliación.

Os proxectos que superen a fase de avaliación recibirán asesoramento no relativo ao estado de madurez do proxecto desde un punto de vista científico e de negocio por parte de expertos nacionais e internacionais.

Ademais, e como paso previo necesario para a formalización do investimento e para os efectos de verificar os eventuais condicionantes que puidesen existir para a explotación comercial dos resultados de investigación, realizarase un informe de auditoría legal (DDL) de cada un dos proxectos seleccionados.

Para a selección de proxectos crearase, na correspondente convocatoria, un Comité de Investimentos. O devandito Comité estará integrado por tres representantes designados por parte da Axencia Galega de Innovación e por un máximo de dúas persoas representantes designadas por parte de FEUGA. A participación neste Comité da citada Fundación terá carácter de asesoramento técnico.

#### B2. Apoio na xestión e seguimento do Programa IGNICIA Proba de Concepto.

O Programa IGNICIA Proba de Concepto apoiou desde o seu lanzamento, no ano 2016, un total de 32 proxectos cun investimento total de máis de 16 millóns de euros. Na actualidade, 17 destes proxectos atópanse en distintas fases de desenvolvemento comercial dentro do Programa, mentres que outros 13 proxectos finalizaron con éxito o seu plan de desenvolvemento e comercialización, co resultado de 10 empresas spin-off creadas e 3 acordos coa industria asinados.

É preciso continuar co apoio aos proxectos en desenvolvemento, así como implementar mecanismos de seguimento e control que permitan garantir o retorno para a administración derivado dos resultados dos proxectos que acadan o éxito no mercado, mediante as seguintes accións:

- Acompañamento na xestión dos proxectos en desenvolvemento, participación no Comité de seguimento dos investimentos e realización de actividades de formación e capacitación específicas dirixidas tanto aos proxectos participantes como ao equipo de xestión do Programa.
- Colaboración no seguimento continuo dos resultados do Programa mediante a implementación de accións dirixidas a garantir os retornos para a administración, entre outros, a revisión do modelo de acordos de reembolso, a definición de boas prácticas a ter en conta na xestión do fondo ou a elaboración anual dos tests de estrés previstos nos acordos de reembolso. Tamén se inclúen accións específicas de difusión destes resultados.

#### *C. FORTALECEMENTO DE ESTRUTURAS DE TRANSFERENCIA*

O tecido de unidades de transferencia dos Centros de Coñecemento do Sistema Galego de I+D está composto por estruturas de pequena dimensión, que están

sobrecargadas de funcións –principalmente relacionadas coa xestión de coñecemento e en menor medida coa súa comercialización- e que deben de atender a moi diferentes focos científicos e tecnolóxicos. Neste contexto é preciso explorar novas fórmulas organizativas que permitan desenvolver procesos de valorización e comercialización de maneira máis efectiva.

Con este obxectivo inclúense as seguintes accións:

C1. Estudos de definición de novos modelos de xestión da transferencia.

Galicia precisa de novos modelos de xestión da transferencia para implantar na súa contorna de investigación. A especialización sectorial e tecnolóxica das unidades de valorización, a mutualización de funcións ou a creación de sociedades comercializadoras son, entre outras, posibles fórmulas a contemplar de acordo ás recomendacións do Consello Asesor do Programa Ignicia. A creación destas novas estruturas requirirá da realización de estudos para determinar a oportunidade, conveniencia, enfoque estratéxico e viabilidade da súa implantación.

C2. Impulso á adopción de novos modelos de organización da función de transferencia.

Esta acción inclúe a realización de accións piloto para ensaiar novas fórmulas organizativas para a xestión da transferencia resultantes dos estudos realizados na acción C1.

#### *D. FORMACIÓN E PROFESIONALIZACIÓN*

O fortalecemento das competencias técnicas e transversais do persoal de xestión de transferencia é un reto prioritario do Programa IGNICIA, de aí que promova o acceso deste colectivo á certificación internacional Registered Technology Transfer Professional (RTTP). Galicia encabeza o ránking de comunidades autónomas españolas con 22 profesionais acreditados. Trátase ademais dunha actuación exemplar a nivel estatal pois, emulando o modelo galego, o Plan estatal de cooperación e transferencia de coñecemento recolle nas súas actuacións a promoción da obtención desta acreditación.

Por outra banda, cómpre incrementar o número de persoas investigadoras activas

en transferencia e estimular a cultura da comercialización de resultados entre a comunidade investigadora; así como incorporar, como parte dos itinerarios de desenvolvemento da carreira científica, accións que permitan a adquisición de competencias transversais en valorización, transferencia e emprendemento. En 2021 IGNICIA lanzou as primeiras accións formativas destinadas a persoal investigador cunha elevada demanda, motivando a reedición dos cursos. De cara a 2025 e 2026 propónse unha liña de acción continuísta contemplando accións dirixidas a este colectivo que aborden distintas temáticas en función dos diferentes estadios da carreira investigadora.

Nesta actuación inclúense as seguintes accións:

D1. Formación de profesionais da xestión da transferencia do Sistema Galego de I+D+i.

Inclúense aquí accións de formación e titorización para a obtención da acreditación internacional RTTP- Registered Technology Transfer Professional. (“Profesional Rexistrado de Transferencia de Tecnoloxía”).

D2. Formación de persoal investigador do Sistema Galego de I+D+i.

Englóbense neste epígrafe accións formativas sobre temáticas relacionadas cos procesos de xestión da transferencia. Estarán enfocadas a distintos perfís en función dos estadios da carreira investigadora (predoutorais, postdoutorais, senior) e a distintos ámbitos de coñecemento (ciencias experimentais, ciencias sociais e humanidades, etc.).

#### *E. PROMOCIÓN.*

Galicia conta cun ecosistema de innovación completo -integrado por entidades que cobren a cadea de valor do laboratorio ao mercado-, sólido -formado por organizacións profesionais de ampla traxectoria e experiencia- e coordinado -integrado por axentes que habitualmente cooperan en distintas redes e proxectos. Trátase dunha vantaxe competitiva de cara á atracción de empresas e talento para a I+D+i que cómpre promover.

Por outra banda, aínda que o Programa IGNICIA é unha iniciativa de referencia, é necesario continuar a divulgar ás súas actividades e resultados para acadar os obxectivos xerais de mellorar o desempeño do Sistema Galego de I+D+i en transferencia. Con este obxectivo, contémpanse neste epígrafe as seguintes accións:

E1. Organización e participación en xornadas de difusión sobre transferencia de coñecemento.

O traballo e resultados do Programa IGNICIA en tanto boa práctica debe ser coñecido para pór en valor Galicia e a súa contorna de I+D+i e utilizarse para seguir dinamizando a transferencia no ámbito rexional. Con este propósito propónse a realización das seguintes actividades:

- Organización do Foro IGNICIA, evento anual dirixido ao Sistema Galego de I+D+i para a presentación de resultados e retos de Programa.
- Participación en xornadas, reunións e eventos de ámbito rexional, estatal ou internacional para difundir o Programa IGNICIA.

Todas as actuacións obxecto deste convenio estarán aliñadas coa Estratexia de Especialización Intelixente de Galicia 2021-2027.

## **SEGUNDA.-Actividades a desenvolver pola Axencia Galega de Innovación.**

A participación da Axencia Galega de innovación consistirá nas seguintes actividades:

- Promoción, divulgación e dinamización das actividades, estudos e iniciativas que se desenvolvan ao abeiro do convenio.
- Supervisión xeral da execución do convenio.
- Participación activa nos procesos, tanto de selección, como de seguimento e de avaliación de candidatos para a participación nos proxectos formativos, así coma nas distintas actividades que se desenvolvan e que impliquen a participación de profesionais da xestión da transferencia ou de persoal investigador, xunto co apoio de FEUGA. O

proceso de selección destes participantes desenvolverase en réxime de concorrencia competitiva, garantindo os principios de publicidade, transparencia, obxectividade, igualdade de oportunidades e non discriminación.

### **TERCEIRA.- Actividades a desenvolver por FEUGA.**

A participación de FEUGA circunscríbese á organización e xestión das actividades amparadas polo convenio (monitorización do sistema de transferencia, apoio aos procesos de valorización: Programa IGNICIA proba de concepto, fortalecemento de estruturas de transferencia, formación e profesionalización, promoción), así como o posterior seguimento das actividades amparadas nel.

FEUGA comprométese a facilitar cantos datos resulten necesarios para a valoración do convenio no marco da avaliación da RIS3 de Galicia 2021-2027 ou doutros mecanismos, entre os que se incluírán indicadores xerais e específicos de I+D+i.

### **CUARTA.- Financiamento.**

A Axencia Galega de Innovación compensará a FEUGA polos custos xerados con posterioridade á data de sinatura do presente convenio, con cargo á aplicación orzamentaria que se indica a continuación, e segundo as anualidades e importes máximos seguintes:

Aplicación orzamentaria	Código de proyecto	Anualidade	
		2025	2026
07.A2.561A.640.0	2016 00006	499.972,00€	499.998,00€
Total		999.970,00€	

Nos importes indicados, entenderase incluído o IVE.

A desagregación dos indicados custos recóllese no anexo II deste convenio.

Para que se abonen os devanditos importes, FEUGA presentará, nos termos e condicións recollidos a tal efecto no anexo I do presente convenio, en cada unha das anualidades previstas, facturas trimestrais, sendo necesario que a presentación da factura, e restante documentación que a acompañe, teña lugar dentro dos dez primeiros días do mes seguinte.

Con relación á facturación do último trimestre de cada unha das anualidades, a factura e restante documentación deberá ser presentada, como máximo, o 20 de decembro.

Na anualidade 2026 poderán incluírse os gastos soportados e pagados dende o 21 de decembro da anualidade inmediatamente anterior.

O citado abono terá lugar tras a validación, por parte da Axencia Galega de Innovación, das facturas e demais documentación presentada.

#### **QUINTA.- Incumprimento das obrigas e compromisos adquiridos polas partes.**

No caso de incumprimento das obrigacións e compromisos asumidos por parte dalgún dos asinantes, a outra parte poderá notificar á parte incumplidora un requirimento para que cumpra nun prazo de 10 días hábiles coas obrigacións ou compromisos que se consideran incumplidos.

Este requirimento será comunicado á Comisión de Seguimento do convenio. Se transcorrido o prazo indicado no requirimento persistise o incumprimento, a parte que o dirixiu notificará á outra parte asinante a concorrencia da causa de resolución e entenderase resolto o convenio.

#### **SEXTA.- Vixencia.**

O presente convenio estará vixente dende a data da súa sinatura ata o 31 de decembro de 2026.

### **SÉTIMA.- Comisión de seguimento do convenio.**

Para o seguimento do convenio ou coñecemento de calquera cuestión sobre a súa interpretación, modificación, resolución ou efectos deste que poidan xurdir, créase unha Comisión de Seguimento, en todo caso de composición mixta. Esta comisión estará integrada por:

- 2 membros por parte da Axencia Galega de Innovación, que serán designados pola directora da Axencia Galega de Innovación. Un dos membros actuará en condición de presidente/a e outro dos membros actuará como secretario/a, con voz pero sen voto.
- 2 membros por parte de FEUGA.

A dita comisión actuará como órgano de vixilancia, seguimento e control do establecido neste convenio, promovendo, se o considera conveniente, outras actuacións que poidan enriquecer o seu desenvolvemento. Ademais, será función da Comisión de Seguimento emitir informe sobre a proposta de redistribución dos fondos por anualidades e accións.

A Comisión reunirse cantas veces sexa solicitado por algún dos seus membros e, en todo caso, unha vez ao ano, previa convocatoria.

En canto á súa constitución, funcionamento e adopción de acordos, a citada Comisión rexerese pola normativa vixente en materia de órganos colexiados, contemplada na sección terceira do capítulo primeiro do Título I da Lei 16/2010, de 17 de decembro, de organización e funcionamento da administración xeral e do sector público autonómico de Galicia.

### **OITAVA.- Causas de resolución.**

O presente convenio resolverase polo incumprimento total ou parcial dalgunha das cláusulas que o regulan, ou polo transcurso do tempo estipulado. Así mesmo poderá

resolverse por denuncia unilateral de calquera das partes, previa comunicación á outra con un (1) mes de antelación, cando concorran algunha das seguintes causas:

- a) Imposibilidade sobrevida para o seu cumprimento.
- b) Acordo expreso de ambas as dúas partes.
- c) Causas excepcionais que obriguen a modificar substancialmente o seu obxecto.
- d) Imposibilidade material de execución por circunstancias excepcionais que impidan o cumprimento dos compromisos adquiridos co mesmo.

Así mesmo, son causas de resolución do convenio as enumeradas no número 2 do artigo 51 da Lei 40/2015 de 1 de outubro, do Réxime xurídico do Sector Público.

#### **NOVENA.-Desenvolvemento e modificación.**

O presente convenio poderá ser obxecto de desenvolvemento e modificación través das correspondentes addendas ao mesmo.

Ao abeiro do disposto no artigo 31.4 da Lei 14/2013, do 26 de decembro, de racionalización do sector público autonómico, o presente convenio poderá ser obxecto de modificación cando teña como finalidade o logro dos obxectivos de estabilidade orzamentaria e sustentabilidade financeira. As ditas modificacións terán por obxecto a redución do volume das obrigas ou a ampliación do seu prazo de execución.

#### **DÉCIMA.- Propiedade intelectual e comunicación.**

A titularidade da documentación xerada no presente convenio de colaboración, así como todas as actuacións que resulten precisas levar a cabo na execución do mesmo (explotación, reprodución, distribución, comunicación pública, etc.) será da Axencia Galega de Innovación. Así mesmo poderá ser utilizada pola Xunta de Galicia a través de calquera outro departamento, sempre coa finalidade de actuacións similares ao obxecto do referido convenio.

Non se permitirá ningún outro uso ou explotación que non estea relacionada coas actividades levadas a cabo por este convenio.

A Axencia Galega de Innovación xestionará a comunicación pública e difusión das iniciativas desenvolvidas no marco deste convenio.

Así mesmo, todos os soportes de información ou difusión teñen que incluír, nun lugar visible, o logotipo de IGNICIA e o de GAIN.

### **DÉCIMO PRIMEIRA.- Alteración das actuacións**

Aceptaranse modificacións nos custos individuais de cada unha das accións do convenio que non supoñan minoracións en ningún destes conceptos superiores ao 20% da previsión inicial. Estas minoracións incrementarán as dotacións dos outros conceptos.

A petición de FEUGA e, previo informe favorable da comisión de seguimento prevista no convenio, a Axencia Galega de Innovación poderá autorizar variacións superiores ao 20% entre os importes asignados a cada un dos conceptos do orzamento do convenio (anexo II), sempre e cando estas variacións non supoñan un incremento do gasto total e leven consigo unha mellora nas actuacións e resultados do programa establecido.

Toda alteración nas accións a realizar, agás as sinaladas nos parágrafos anteriores, deberán ser obxecto de autorización pola Axencia Galega de Innovación e formalizarse mediante a correspondente addenda ao presente convenio, consonte o artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

### **DÉCIMO SEGUNDA.- Inexistencia de relación laboral.**

A subscrición do presente convenio non implicará relación laboral, nin contractual nin de ningún outro tipo entre os profesionais que realicen as actividades obxecto do presente convenio e a Xunta de Galicia.

### **DÉCIMO TERCEIRA.- Deber de segredo e confidencialidade.**

As partes asinantes comprométense a non utilizar nin revelar, mantendo en segredo, todos os datos que puideran obter en virtude da execución do presente convenio e, en particular, toda a información relativa ás actuacións a desenvolver, facéndose extensiva esta obriga a todas as entidades ou empresas públicas que interveñan en nome das partes.

As disposicións desta cláusula continuarán vixentes durante un período de cinco anos a partir da data de firma deste documento.

As partes cédense mutuamente a información, coa condición de facer un uso responsable de acordo ás finalidades das diferentes entidades asinantes, e por iso conveñen manter absoluta confidencialidade, tal e como o establecen os termos desta cláusula, sobre as discusións mantidas e a información intercambiada, xa sexa oralmente ou por calquera outro medio, en relación co obxecto deste convenio ("Información confidencial"). Esta obriga de confidencialidade non será executable entre as dúas partes cando as mesmas acorden algo en contrario por escrito, ou cando a revelación da devandita información ou conversación sexa requirida por Lei.

Cada parte que reciba "información confidencial" ("Parte receptora") da outra parte ("Parte reveladora") recoñece a súa natureza confidencial e a exclusiva propiedade da "Parte reveladora" sobre a "Información confidencial" recibida en calquera momento, e comprométese a manter a confidencialidade deste acordo baixo a presente Sección, así como a non levar a cabo, ou a deixar de levar a cabo, calquera acción contida na presente Sección.

Cada parte receptora acorda que a Información confidencial será utilizada exclusivamente para os obxectivos do presente convenio e manterán a dita información confidencial.

Cada parte receptora poderá revelar información confidencial na medida do necesario e en conexión co obxecto deste convenio, informando da natureza confidencial da información.

A petición da parte reveladora, a parte receptora devolverá ou destruirá de inmediato toda a información confidencial tanxible sen que a Parte receptora reteña ningunha copia, extractos ou calquera outra reprodución total ou parcial dese material tanxible.

No caso de que a parte receptora ou calquera outra persoa á que se dera Información confidencial recibira a petición de revelar calquera ou toda a información, baixo unha citación, decreto, obriga civil ou proceso similar emitido por un tribunal competente ou órgano administrativo, a Parte receptora comprométese a (I) notificar inmediatamente á parte reveladora da existencia, termos e natureza da petición, (II) a consultar á parte reveladora a conveniencia de utilizar as accións legais dispoñibles para opoñerse ou limitar a dita petición e (III) se fose necesario, a revelar a información que, tras unha recomendación escrita dos conselleiros da parte receptora, fose legalmente necesaria ou conveniente baixo as circunstancias que se determinen nese momento.

As obrigas desta cláusula non supoñen ningunha restrición ás partes de cara a poder cumprir coas obrigas legais ou mandatos de calquera tribunal ou entidade gobernamental.

Cada parte deberá obter o consentimento da outra parte antes de calquera publicación, presentación, anuncio público, ou comunicado de prensa concernente á súa relación.

Non se inclúe no concepto de confidencialidade a información que fose de dominio público con anterioridade ao momento da celebración do presente convenio, ou que pase a selo con posterioridade ao mesmo, nin aquela que fora obxecto de autorización previa e expresa por escrito entre as partes.

#### **DÉCIMO CUARTA.- Control**

A execución deste convenio queda suxeita á función interventora e de control financeiro exercidas pola Intervención xeral da Comunidade Autónoma nos termos establecidos no Decreto legislativo 1/1999, do 7 de outubro, que aproba o texto

refundido da lei de réxime financeiro e orzamentario de Galicia (DOG núm. 214 de 05 de novembro de 1999) e á súa normativa de desenvolvemento. Así mesmo, a execución do convenio estará suxeita ás actuacións de comprobación previstas na lexislación reguladora do Tribunal de Contas e do Consello de Contas de Galicia.

#### **DÉCIMO QUINTA.- Natureza xurídica e resolución de conflitos.**

O presente convenio ten natureza administrativa e rexerá polo establecido nestas cláusulas, polo disposto no Capítulo VI do Título Preliminar da Lei 40/2015, do 1 de outubro de réxime xurídico do sector público e na Lei 39/2015, do 1 de outubro de Procedemento administrativo común.

De acordo co artigo 6.2 da Lei 9/2017, de 8 de novembro, de Contratos del Sector Público, pola que se traspoñen ao Ordenamento Xurídico español as directivas do Parlamento Europeo e do *Consello 2014/23/UE e 2014/24/UE, de 26 de febreiro de 2014*, o presente convenio está excluído do ámbito de aplicación da dita normativa.

As partes comprométese a resolver de común acordo calquera controversia que puidese suscitarse sobre a interpretación ou execución deste convenio, someténdoa á comisión de seguimento prevista no mesmo. En caso de persistir o desacordo, someterase á Xurisdición contencioso administrativa, conforme ao disposto na Lei 29/1998, de 13 de xullo, reguladora da devandita xurisdición.

#### **DÉCIMO SEXTA.- Autorizacións**

FEUGA consente expresamente o tratamento necesario dos datos relevantes e persoais deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de convenios da Xunta de Galicia, así como poderá exercer os seus dereitos de acceso, rectificación cancelación e oposición respecto do contido dos rexistros antes citados ante a Axencia Galega de Innovación, situada na rúa Airas Nunes s/n, (Conxo) 15781 Santiago de Compostela, en aplicación do disposto no Decreto 126/2006.

Este consentimento esténdese á publicación do convenio na páxina web da Axencia Galega de Innovación e no Diario Oficial de Galicia así como á autorización para a cesión dos seus datos á entidade financeira na que se aboe o pagamento ao Diario Oficial de Galicia e ás demais cesións previstas na lei.

Tamén comporta a autorización á Axencia Galega de Innovación para solicitar as certificacións que deban emitir a Axencia Estatal da Administración Tributaria, a Tesourería Xeral da Seguridade Social e a Consellería de Facenda e Administración Pública da Xunta de Galicia. No caso de que se deban presentar estes certificados en fase de emenda, logo de que a consulta pola Axencia Galega de Innovación non obtivese resultado favorable, a data de expedición dos certificados pola Administración correspondente deberá ser posterior á data de consulta pola Axencia Galega de Innovación, o que se comunicará no requirimento de emenda da documentación.

Lido por todas as partes, por si mesmas, e como proba de conformidade co expresado no presente convenio, asínano dixitalmente.

O conselleiro de Educación,  
Ciencia, Universidades e  
Formación Profesional

Román Rodríguez González

O director xeral de FEUGA

Francisco J. Pereiro Pérez

## ANEXO I:

### DOCUMENTACIÓN A PRESENTAR POR PARTE DE FEUGA

FEUGA deberá presentar, para o pago das cantidades previstas na cláusula cuarta, relativas aos custos derivados da súa participación no impulso da transferencia de tecnoloxía no sistema de I+D+i de Galicia, a seguinte documentación:

- NIF da entidade.
- Certificado bancario de titularidade.
- Factura (ou facturas), por cada período, acompañadas dunha memoria na que se recolla unha descrición sobre o desenvolvemento das actividades obxecto do convenio, os distintos conceptos de gasto, e os diferentes importes.

A facturación realizarase por trimestres vencidos (xaneiro a marzo, abril a xuño, xullo a setembro e outubro a decembro); sendo necesario que a presentación das correspondentes facturas, así como da restante documentación que debe acompañalas, teña lugar dentro dos dez primeiros días do mes seguinte.

Con relación á facturación do último trimestre de cada unha das anualidades, a factura e restante documentación deberá ser presentada, como máximo, o 20 de decembro.

Na anualidade 2026 poderán incluírse os gastos soportados e pagados dende o 21 de decembro da anualidade inmediatamente anterior.

## ANEXO II

### ORZAMENTO DESAGREGADO ESTIMATIVAMENTE POR TIPO DE GASTO

Os custos recollidos no convenio desagregáanse nos importes seguintes:

Tipoloxía actuación	Tipoloxía de gasto/gastos subvencionables	2025	2026
PROGRAMA IGNICIA-TC	Gastos de persoal	21.505,00 €	43.057,00 €
	Subministracións e servizos	122.392,00 €	247.687,00 €
	Outros	42.578,00 €	64.543,00 €
PROGRAMA IGNICIA PdCT	Gastos de persoal	33.184,00 €	19.019,00 €
	Subministracións e servizos	256.910,00 €	114.220,00 €
	Outros	23.403,00 €	11.472,00 €
	TOTAL	499.972,00 €	499.998,00 €
<b>TOTAL CONVENIO</b>			<b>999.970,00 €</b>